

III. OUTRAS DISPOSICIÓNS

ESCOLA GALEGA DE ADMINISTRACIÓN PÚBLICA

RESOLUCIÓN do 15 de maio de 2015 pola que se convoca unha xornada sobre sustentabilidade financeira e reforma das entidades locais.

Dentro do plan de actividades da Escola Galega de Administración Pública para o ano 2015 e de acordo coas funcións atribuídas pola Lei 4/1987, do 27 de maio, de creación da Escola, modificada pola Lei 10/1989, do 10 de xullo, convócase unha xornada sobre sustentabilidade financeira e reforma das entidades locais, conforme as seguintes bases:

1. Obxectivos.

O obxectivo principal desta xornada é formular posibles liñas de reforma das entidades locais, desde unha perspectiva financeira.

2. Contidos.

Serán tratados, entre outros, os seguintes temas:

– Sustentabilidade financeira e Administración local, en especial o problema da planta local.

– Situación financeira e proxectos de reforma das entidades locais.

– Marco constitucional do control financeiro sobre as entidades locais.

– Estado e comunidades autónomas ante a Administración local: desenvolvemento autonómico da Lei 27/2013, do 27 de decembro, de racionalización e sustentabilidade da Administración local.

– Situación financeira e proxectos de reforma local en Alemaña.

3. Destinatarios.

Empregados das administracións públicas de Galicia, tanto autonómica coma local e de xustiza, das universidades do Sistema universitario de Galicia, persoal das entidades do sector público, xuristas, profesionais e interesados en xeral.



4. Desenvolvemento.

Lugar: EGAP, rúa Madrid, 2-4, Santiago de Compostela.

Data: 11 de xuño de 2015.

Horario: mañá e tarde.

Duración: 7 horas lectivas.

5. Número de prazas.

Limitado pola capacidade do local.

6. Inscripción.

As persoas interesadas deberán formalizar a súa inscrición a través da área de matrícula da web da EGAP: <https://egap.xunta.es/matricula/>

O prazo para inscribirse estará aberto desde o día seguinte ao da publicación desta resolución no *Diario Oficial de Galicia* ata o día 9 de xuño de 2015.

Poderá obterse calquera outra información, das 8.30 ás 14.30 horas, nos teléfonos:

981 54 62 41 / 981 54 62 39

7. Modificacións.

A EGAP reserva para si a facultade de interpretar e de resolver as incidencias que poidan xurdir no desenvolvemento desta xornada, así como a facultade de cancelala se o escaso número de solicitudes non xustifica a súa realización.

8. Certificado de asistencia oficial.

Ao final da xornada entregarase un certificado de asistencia a aquelas persoas inscritas que tivesen participado asiduamente e sempre que a súa asistencia fose igual ou superior ao 90 % das horas lectivas programadas; para estes efectos, todos os alumnos deberán



identificarse nos preceptivos controis de asistencia. Neste documento aparecerán, de forma expresa, o contido, a carga lectiva, a data, o lugar de realización e o selo oficial da institución.

Santiago de Compostela, 15 de maio de 2015

Sonia Rodríguez-Campos González
Directora da Escola Galega de Administración Pública

CVE-DOG: boxukge9-6wo7-ee51-pkg1-zagwkvvvcwto1

